

«ԵՐԵՎԱՆԻ ԳԱՐԵՋՈՒՐ» փակ բաժնետիրական ընկերություն

ԾԱՆՈՒՑՈՒՄ

Հարգելի բաժնետեր

«ԵՐԵՎԱՆԻ ԳԱՐԵՋՈՒՐ» փակ բաժնետիրական ընկերության տնօրենների խորհուրդն իր 17.06.2013 թ.-ին կայացած նիստում որոշել է գումարել բաժնետերերի արտահերթ ընդհանուր ժողովներ:

Ժողովները գումարվելու են ընկերության գտնվելու վայրում՝ ք. Երևան, Ադ. Իսակովի պող., թիվ 8 հասցեում: Առաջին ժողովը կկայանա **2013 թ. հուլիսի 2-ին, ժամը 11:00-ին**:

Բաժնետերերի այդ արտահերթ ընդհանուր ժողովի օրակարգն է՝

1. «ԵՐԵՎԱՆԻ ԳԱՐԵՋՈՒՐ» փակ բաժնետիրական ընկերության կողմից տեղաբաշխված բաժնետոմսերի համախմբում:

Բաժնետերերի արտահերթ ընդհանուր ժողովի օրակարգի հարցի որոշումն ընդունվելու դեպքում «ԵՐԵՎԱՆԻ ԳԱՐԵՋՈՒՐ» փակ բաժնետիրական ընկերության կողմից տեղաբաշխված բաժնետոմսերի համախմբման, փոխարկման և հետգնման կարգի համաձայն, արտահերթ ընդհանուր ժողովի ավարտից հետո 17-րդ օրը՝ **2013 թ. հուլիսի 19-ին, ժամը 11:00-ին** կկայանա ընկերության բաժնետերերի նոր արտահերթ ընդհանուր ժողով:

Բաժնետերերի այս արտահերթ ընդհանուր ժողովի օրակարգն է՝

1. «ԵՐԵՎԱՆԻ ԳԱՐԵՋՈՒՐ» փակ բաժնետիրական ընկերության կողմից տեղաբաշխված բաժնետոմսերի համախմբման արդյունքների հաստատում,
2. «ԵՐԵՎԱՆԻ ԳԱՐԵՋՈՒՐ» փակ բաժնետիրական ընկերության կանոնադրության փոփոխության հաստատում:

Բաժնետերերի արտահերթ ընդհանուր ժողովներին մասնակցելու իրավունք ունեցող բաժնետերերի ցուցակի կազմման ամսաթիվը սահմանվել է 2012 թ. հունիսի 18-ը:

Բաժնետերերի արտահերթ ընդհանուր ժողովներում քննարկվող հարցերին վերաբերող տեղեկություններին և նյութերին բաժնետերերը կարող են ծանոթանալ 2013 թ. հունիսի 24-ից, յուրաքանչյուր աշխատանքային օր ժամը 10:00 մինչև 17:00 ք. Երևան, Ադ. Իսակովի պող., թիվ 8 հասցեում:

Բաժնետերերին ներկայացվելիք տեղեկությունները և նյութերը ներառում են օրակարգերի հարցերին կողմ քվեարկելու դեպքում ընդունվող որոշումների, ինչպես նաև ընկերության կողմից տեղաբաշխված բաժնետոմսերի համախմբման, փոխարկման և հետգնման կարգի, ընկերության կողմից տեղաբաշխված բաժնետոմսերի համախմբման արդյունքների ու ընկերության կանոնադրության փոփոխության նախագծերը:

Բաժնետերերի արտահերթ ընդհանուր ժողովներին մասնակցողների գրանցումն սկսվում է ժողովներն սկսվելուց 30 րոպե առաջ՝ ժամը 10:30-ին: Անձը հաստատող փաստաթղթի առկայությունը պարտադիր է:

Եթե ընկերության բաժնետերերի 2013 թ. հուլիսի 19-ին կայանալիք արտահերթ ընդհանուր ժողովի օրակարգի երկրորդ հարցի քվեարկության արդյունքում հաստատվի ընկերության կանոնադրության փոփոխությունը, ապա այն բաժնետերերը, ովքեր չեն մասնակցի այդ ժողովին կամ դեմ կքվեարկեն այդ հարցին կամ քվեարկությանը չեն մասնակցի, իրավունք կունենան ընկերության կանոնադրության փոփոխության հաստատման մասին որոշման ընդունման պահից 45 օրվա ընթացքում գրավոր դիմել ընկերությանը՝ պահանջելով իրենց պատկանող բաժնետոմսերի կամ դրանց մի մասի հետգնում: Բաժնետոմսերի հետգնումն իրականացվելու է դրանց շուկայական արժեքով՝ 35,000 (երեսունհինգ հազար) դրամով: Դիմումի մեջ նշվում են հետգնման ենթակա բաժնետոմսերի քանակը և բաժնետիրոջ բնակության վայրը: Եթե բաժնետերը համաձայն չէ հետգնման գնի հետ, ապա նա իրավունք ունի բաժնետոմսերի վերագնահատման պահանջով դիմել դատարան՝ ընկերության կողմից բաժնետերերին վճարումները կատարելու սահմանված օրից երեք ամսվա ընթացքում:

Սահմանված 45 օրվա ավարտից հետո ընկերության գլխավոր տնօրենը 30 օրվա ընթացքում կազմակերպում է բաժնետերերի բաժնետոմսերի հետգնումը: Այդ նպատակով ընկերության գլխավոր տնօրենը բաժնետիրոջ ներկայանալուց հետո երկու աշխատանքային օրվա ընթացքում իրականացնում է բաժնետիրոջ վճարումը:

Սահմանված 30 օրվա ավարտից հետո ընկերության գլխավոր տնօրենը 5 օրվա ընթացքում դիմում է ընկերության ռեեստրավարին՝ ընկերության բաժնետերերի ռեեստրում համապատասխան փոփոխություններ կատարելու խնդրանքով:

Խնդրում ենք Ձեզ ներկա լինել բաժնետերերի ընդհանուր ժողովներին:

«ԵՐԵՎԱՆԻ ԳԱՐԵՋՈՒՐ» ՓԲԸ տնօրենների խորհուրդ

Հեռ. 56-26-24; 58-10-94: